

Ludi Natalitij
IN ANNIVERSARIO
NATAE VIRGINIS
DIE COMMISSA

fiu
LAVDES DEIPARAE VIRGINIS
in Natali eius die celebratæ


*A Tribus è primaria Seminarij Romani nobilitate
adolescentibus*

D. FERDINANDO CARAFA
FRANCISCO ALOYSIO COLUMNA
ATTO SOZZIFANTIO



Supplex

ROMÆ,
Ex Typographia Iacobi Mascardi, MDCXXX.
SVPERIORVM PERMISSV.



IN THE
COURT OF THE COMMON PLEAS
FOR THE COUNTY OF MIDDLESEX
Held at the Old Sessions House in the City of London
on the 14th day of January 1881
Before the Lord Chief Justice
and the Justices of the Bench
The following Cases were argued and decided
AT THE ASSIZES FOR THE COUNTY OF MIDDLESEX
Held at the Old Sessions House in the City of London
on the 14th day of January 1881
Before the Lord Chief Justice
and the Justices of the Bench
The following Cases were argued and decided

Ludi Circenses

ORATIO

HABITA A D. FERDINANDO CARAFA.



ET VS illud institutum natali Principum die ludos, ea re natalitios nuncupatos, celebrandi restituendum nobis, etiam in maius est hodierna die (Aud. ornatissimi) in eius Reginae gratiam, quæ vix nata naturæ Deum in orbe terrarum ludentem ad graues hominum curas & cruenta munera subeunda, in theatrum mortalitatis eduxit, in quo nec vacua esset opere puella, cui luditur in hac diuini Amoris ædilitate prima. ipsa & ludorum spectatrix & campus & argumentum & Dea facta est, ut ita dicam; cui si more Veterum, editionis initio sacrificium faciendum esset, pectore iamdudum præbuissem victimam candidam: & purum putum sanguinem venis iam darem. Sed quando hoc mihi non licet: illud sodalibus omnibus libuit: quod cum ludos Veterum omnes amplioris magnificentiæ gratia tripartitos dare possimus in Circenses Venationes & Scenicos; primi quidem Latinum Oratorem postulent: alteros eloquentia Græca sortiatur: tum postremi obuenerint Nouianæ Poesi; quæ cum Virginem non in Vrbe, sed in apertæ Regionis villa per ampla genitam Litteræ antiquæ testentur: Atellanum nescio quem è campestri sodalitate hilarum poetam dabit: ut insomnem illius ætatis ægritudinem atque tristitiam noua subantiqui carminis condiat voluptate.

Agè igitur; quando nostræ sunt munerarij partes in Circo, ne extra Circum ludamus, initium pugnae à primo humanorum certaminum ordiamur. Siquidem in Puellæ natæ gratiam, Eua Matrona generis humani prodit in stadium, pugnatura cum venefico bestiarum omnium capite: in quo vno vis omnis & peri-

2
tia sita est Athlerarum, & Mirmillonum. Adest enim, nec vocatus
ex Inuidiæ specu serperaster immanis: editum Paradisi medijs cul-
men occupat, quod nos ex altiore loco præcipitet: arborem, in-
quam, inscendit, ut radici nostræ propaginis labem inferat, qua
collabimur omnes. Miro ibi pugnandi genere pomum ostentat
pro disco: mensam instruit in arena, ut mortem non hauriendam
vulneribus, sed deglutiendam morsibus offerat. Mulier ignara,
fraudis & pugnæ, cuius modestiam decuerat maximè, recipere
semet ab hoste. (merito enim ex veteri Senatus consulto vetitum
est foeminis depugnare). Mulier igitur petita semel non tam sus-
cinea Satanæ, quam fascino, non auertit oculos, sed audiores
venenatis obuertit ictibus: imò nec aures tueretur satis, dum enim
sibilat anguis insidiosa suauitas, Eva quæ cantione sacra illum
disrumpere debuit, in veneficium incidit serpentis murmure ex-
cantata. Iacet illa: sed spes nostra non iacet. Superest maritus
Adam: veniet ad secundas manus: en accurrit: en statum com-
ponit. sed labantem Euam intuitus, dum uxori lapsæ porrigit
manum; corde ipse labitur in profundum: afflictusq. humi geni-
tor patiter & corruptela generis, nos eius posteros, veluti cater-
uarios vna secum ruina opprimit vniuersos. Concidimus ergo
miseri in volutabrum, cum nondum staremus in pulvere. sed non-
ne provocare licet ad Principem antequàm in spoliarium dedu-
camur? Ex Augusti humanissimo edicto licet. En igitur Augusta
nascitur hodie, quin tentamus misericordiam? fortasse illa tri-
buet missionem. Ita sanè; & non orantes exorauimus magnam
Matrem. Ferebamur enim in Libitinam; curiam reducimur in
libertatem.

Et enim si apud Romanos olim reus aliquis ad supplicium du-
ctus obuiam forte factus Vestali Virgini: retrahebatur à poena,
(tanti fuit reuerentia virginalis) multò facilius hæc Virginitatis
Antistita maxima, hodie primum occurrens hominibus, mortales
omnes noxæ deditos à supplicio eximet sempiterno.

Sed peractæ pugnæ cum bestia extracta de inferis, succedit in
campum lucta hominis cum Iuuenè de Cælestibus ordinibus euo-
cato. illa sub lucem adulti Solis euenit asperè: hæc incepta su-
centibus astris, ut olim ad lychnuchos nocturnos cessit sub Auro-
ram

5
ram feliciter: Iacob enim cum traiecto flumio solus ahtelucanis
horis spatia retur in littore; ecce tibi de Cælesti gymnade Agoni-
sta nobilis hominem prouocat; nec detrectat, sed contra pugnat
Iacob. ibi cum per incertam luctationem diu exercitus Cæli pa-
lastrita, neque legitimo nexu deijcere, neque per argutias sup-
plantare colluctantem posset: compressione tam valida latus eius
adstinxit, ut e luxata femoris vertebra iam elaudicaret Iacob.
Sed Aurora commodum illucescente, veluti mutata eum nocte
fortuna, metuens sibi (nisi fallor) Diuinus Athleta, missionem
postulans: dimitte me, inquit, iam enim ascendit Aurora. & ro-
bur viri simul admirans: non illum amplius Iacob, sed nouo no-
mine Israelem, hoc est Deo prævalentem hominem salutauit.
Nimirum Iacob stirpem Hebraicam indicat, cum qua rebelli sæ-
pius & contumaci per tenebras antiquæ legis colluctatus diuinæ
iustitiæ æmulator & percussor Angelus, paulò acrius atque fe-
rocius se gerebat. Sed iam ascendit Aurora. candore nascentis
infantulæ albescit & vibrat oriens salutis. Vides Cælites iam arma
submittere? Vides Dæmones inducias postulare, dum homi-
nem simul ac Deum ope Virginis huius mox futurum, diuinæ iu-
stitiæ non supparem modo, ut Iacob: sed prævalentem & meritò
Israelem confessi: illi quidem summo Cœlo tripudiantes: hi verò
totis inferis contremiscentes, adorant? Quamuis antequàm
præferocem audaciam hi Dæmones mali deponant, certamen ia-
culandi tertium emittunt nobis in Circum, veteres inimicitias
cum Dei populo persecuti. Cernite quæso vos in Terebintho vi-
uentem illum colossum & verè Gigantem, hoc est terræ filium
Goliattum; buccis terrecrepantibus integrum laceffit exercitum:
& quassanti capite triumphat secum, antequàm cum hoste confi-
gat. Sed aduersus Polyphemum hunc duplici etiam oculo minus
videntem Cyclopibus, non de militari schola facit insidias Vlysses
aliquis, imò de conuictu pastoritio simplex adolescens, aperto
Marte iaculatur, fatum in funda gerens & lapide; scilicet ante
congressum armorum cataphractus concidit ab inermi: primo
funditoris ictu laxata est turris animata Babelis: primo lapide
corruit. quis non dicat vitreum planè fuisse Castellum illud insa-
niæ? Verùm excelsus hic Briareus vnum nobis Satanam Deo sto-

lidè superlatum notat, vt scitis; quem lapis ille referendus in
caput anguli; conquassans capita inimicorum effringet tandem
in Cruce. En funda de parentis Annæ visceribus contexta cer-
nitur: hæc inquam modo nata Virgo, cuius in sinu receptus, &
mox emissus lapis, quem reprobauerunt ædificantes, stantem
illam in nostris ruinis diabolicam arcem nequitie labefactabit.

Sed videtis (opinor) iam, quàm benè vna hæc Virago, cui lu-
ditur, ludos omnes exhibuerit nobis, in primo siquidem certa-
mine ipsa conterit caput Serpentis: in altero luctanti homini vi-
res ministrat: frontem Diaboli confringit in tertio. illa igitur
Circenses dedit: illa gloriæ Circum impleuit. illi plaudite, illi
faucte.



O R A T I O

Gracè habita

A FRANCISCO ALOYSIO COLUMNA

& Latine sic reddita.

ETERES Imperatores ferarum agrestium millia aliquando obiecere venatibus Romanæ plebis, comportatis etiam in varias Urbis regiones solidis nemoribus integrisq. saltibus ex Algido & Soracte: arma verò quibus eas belluas petere possent ac declinare, dedisse non legimus, Sed populus cum implorata ope Dianæ eius tela, & pharetram coluisset, diuisus in studia alij canibus alij retibus alij lapidibus alij contis & iaculis omniq. venabulorum genere prædam vestigare petere captare premere fingere transuerberare, omnes media in Vrbe sylvestribus delicijs ferocire. Barbaræ voluptati cesserit bestiarum isthæc intempestiua tractatio. illum ego venationis apparatus ingenuis mentibus opportunum putem, quòd cum princeps vitiorum Satanas domesticas animorum belluas auaritiam libidinem socordiam, cæteraq. monstra scelerum in hunc desertum virtutibus locum immiserit aduersus inermes mortales; hodie nobis contra cicures illas humani pectoris feras, non venatricis Dianæ pharetra fabulosa proponitur: sed Dauidis fortissimi bellatorum turris primum exædificata ostenditur cum propugnaculis; Virgo hæc, inquam, Dauidicæ stirpis Heròina progignitur: mille clypei pendent ex ea, omnis armatura fortium. hinc si tela sumis & hastas, vitam cordis in occisione sensuum venaberis tibi: belluisq. homini familiaribus per virtutem oppressis, prædam incruentam tuo de sanguine reportabis.

Ludi Scenici

DORMITVRIO ATELLANVS

Carmen Erceparthenicum ex Q. Nouio
 HABITVM AB ATTO SOZZIFANTIO

Iamb. sen. oct. acat. omnes. Troch. duo.
 Semitroch. duo.



VID faciam? Pupa hac non dormit.
tota inquires
Interdiu atque internoctu, somni meri
Nil sorbillauit vnquam oculis abstemijs.
At ego ieiunus mille saturabor malis:
Ni somniosam hanc Morphei prouinciam
Faustim administro, Virginem consopiens.
Annoſa nimirum Anna poſt paritudinem
Senioq. tardigenulo. grandæuus pater
Hilarum me ex agro deuocarunt properiter:
Somnum vt propinem Paruula altis poculis;
Soporis Pincerna, Paraſitus Morphei:
Queretis ex me, opinor, quæ factum id ſiet:
Cur illi in hanc tranſcurrerint ſententiam.
Vt ego reliſtis Ephraim campeſtribus,
Vbi Samaria in fonte nitidatum gregem
Agebam ſyluicola, artium vrbanaſum iners,
In conclaue penitum hoc penitus penetrauerim.
Dicam. ſed Pupa non dormit. opera mea

Iam

Iam somniasse debuit . oblitus mei
 Muneris , vt vestras persequar curas ? prius
 Quod ago id agatis mecum vos , & postuletis postea .
 Cernitis , extante vt oculo per Calum vagat ?
 Credo quia stella est , noctes vigilat integras :
 Imò quia Sol est noctem non prænsat oculis .
 Verum argumentum sumere hinc contra licet .

- » Oro vos conninnate mecum ; Puera cantemus simul .
 » Nocte tota dormit Sol : tota die stellæ condormiunt .
 » Solis est dormire noctu : syderum est interdium .
 » Diua dormi , si stella es :
 » Diua dormi , nam Phæbus es .

Reuertor nunc ad vos , nec parcam proloqui :
 Sed testam habete rem in claustro silentij .
 Domesticum est arcanum , vulgò dispalescere est nefas .
 Sub testis acta haud soleo in Solem spargere :
 Sed vos participo , expertus erga me silentiarios .
 Cum primum in auras edita Aurora aureum
 Diem sponondit saculo , & noctu nihil
 Haurire noctis cernitur somni inscia ;
 Exin parentes pertimescēti , aduocant
 Familiam . Ancillæ quotquot pascuntur domi
 (Et compascuntur plurimæ amplis edibus)
 Præsto sunt . Callidora , quæ pensum trahit :
 Staphila , quæ verrit ædes : & Scapha , quæ molit :
 Bromia , quæ texit : & Phidippa , quæ facit
 Ventulum : & Antiphila phrygio depingens acu :
 Halisca , Pardalisca cum Phanostrata
 Nutrice veneranda affatim ad cunabula

Ve-

Venere, sopitum Pupam hanc centum artibus.
 Hæc prima media postrema est cura omnibus:
 Oculi ut flacciscant emollita insomnia;
 Quassuque & attrectatu contitinnunt:
 Ut gratis aut in gratijs obdormiat.
 Sed ubi prima crepundia crepitant inaniter:
 Omnisq. Nanna nannat infeliciter:
 Seria commutant studia cum iocularibus.
 Statim incipissant garrulas ineptias,
 Astutè delirantes nugiendule.
 Cantillat hæc: saltillat hæc ad Psalterium:
 Altera crotalissat: tympanizat altera;
 Chorea miscellam faciunt: mox lusiunt;
 Chytrinda atque Basilinda, & quotquot lusbis
 Lubet lubentia ingenue colludere:
 Ut fessa visu perpeti in somnum ruat.
 Sed cæpta risures, in fletum soluitur.
 Nam Virgo, quæ Solem in frontem expromptum gerit:
 Oculosq. astris gemellos in sudum explicat,
 Nubila repente facta ludum & ludias
 Procul cispellit, toruiter minitabilis,
 Fabullam cum fabella, consortem & iocum,
 Sororiamq. ineptiam, & fratres logos,
 Artemq. inertem totam ridiculariam
 Gestu seuero internecat, & spectu fero.
 Ad seria mundum informat, Orientem subit
 En veritas: iam fabula occasum petunt.
 Sed Virgo ab inde capere quietem non potest,
 Pertasa, atque perosa vniuersam familiam;

Hanc

Hanc in rem me aduocarunt , quippe qui sem
 Ad erugendam frontem caperatam procax
 Modeste , & somni plurimi ; namque hinc puto
 Mihi nomen impositum est Dormiturio .

Imò quia cum per agros vasta vastitas ,
 Horribili vento nostrum fregisset locum ,
 Depauperans mea pascua , impransos greges
 Somno placabam ad fistulam : at implacabilem
 Sentio Pupæ huius vigiliam Hortator nihili .

Oro vos conninnate mecum ; Puera cantemus simul .

” Nocte tota dormit Sol : tota die stellæ condormiunt .

” Solis est dormire noctu : syderum est interdiu .

” Diua dormi , si stella es :

” Diua dormi , nam Phæbus es .

Quò magis attendo animam ad querendum quid scit

Quòd omnis pereat opera somniferæ hæc mea :

Hòc magis incertat me ratio confluctuans .

Fortè quia somnum mortis vterinum autumant ,

Venisse in orbem de matrice Tartari ;

Ea propter Cali hæc gnatula , Erebi filium

Eliminat extra ades cordis inimiciter .

Sed monstri simile est mulier insomnis . Etenim

Inaudiui esse hanc fæminis originem .

Adamus (ille cuius propages sumus

Humani quotquot frutices ex humo sumus .

Adamus , inquam , dormiebat (nam vigil

Tantum malum de se prodire non permisisset , reor)

Dum ergo dormiret (credo somniabat infortunium)

En deiugatis costulis diuinitus

De dormientis femore sæmina extitit ?

Si fluxit è sopore muliebre hoc genus ;

Quid igitur odit somnum hæc somni filia ?

Stirpem ex Adamo nempe, non mores trahit .

Cælum habet auctorem generis ; ex more patriæ

Facit , cum vigilat ; nam solum inter Calites ,

Extra periculum insanix est , insomnia æternum vigil .

Sed dum planta hæc vegetatur humano in solo ,

Sopore est irriganda aliquo , ne exareat .

Oro vos conninnate mecum ; Puera cantemus simul .

» *Nocte tota dormit Sol : tota die stellæ condormiunt .*

» *Solis est dormiro noctu : syderum est interdiu .*

» *Diua dormi , si stellæ es :*

» *Diua dormi , nam Phæbus es .*

Sed ego super satisq. stultus studeo pœnitudini :

Dum studeo noctem in oculos Paruulæ huius intrromittere .

Fac etenim , vt se tenebricare incipiat sopitus meus

Sol iste : fac , vt astra conuelentur huius ætheris ;

Quid expectare cordi iam possim meo :

Nisi vmbra & imbrem & nubila mœstitudinis ?

Satius est ergo vt vigilet . sed nulli sumus ,

Si vigilat ; quandoquidem Anna , cum grandi sene

In agrum emandant me hominem nullo hic vsui ,

Et oneri multo . sic me vtrunque vulnerat

Vigilia & somnus pariter , & nox & dies .

Sed ne latum quidem vnguem ab hinc recessero .

Fixus sum amoris clauo . agrum diuenderem

Cum vinea & vineto , cum semente & Seminario :

Vt mihi thesaurum hunc emerem . nunc fransci cum licet

Ego

Ego illum abijciam? plus nimio dormirem Dormiturio:

Cum licet, & quā licet fruamur his bonis.

Oro vos conuiniate mecum; Puera cantemus simul.

» Noſte tota dormit Sol: tota die ſtelle condormiunt.

» Solis eſt dormire noſtu: ſyderum eſt interdium.

» Diua dormi, ſi ſtella es:

» Diua dormi, nam Phœbus es.

Sed ſurdo canimus. de Leonino viget

Genere hæc fortassis: oculos ſemper nudatos habet,

Claſura impatiens. ſcilicet noſtra hæc domus

Nunquam fenēſtras cludit, vt Calum attrahat

Vndique: perſtata ſtabili ſemper Deo

Rimis ſatiſcit, Calitem vt imbrem hauriat.

Quoties affuſis circum brachijs Ego Dormiturio

Cum ſim, ſeci illi in grēmio dormitorium

Sed illa membriſ hæc illac diſpergitur

Tempeſtuofa Mariam iurē nominant;

Neque enim Palus eſt: ſeruicum Amoris eſt mare;

Quod fluctus omnes frangit ad Calum ſuos:

Suſpirijsq; ſemper agitur meis.

Quem non ego lapidem moui hic? imò vnicum;

Vt vidē, moui Syſiphium; ita luditur

Opera & clium: ſed iuuat perdere oleum

In hanc lucernam; ſic noctem illuſtrat meam.

Quoties adiui medicos? quæ medicamina

Non retuli? Aiunt illi concorditate maxima,

Auroram noſtram hanc inſolatam eſſe nimium;

Cali calor omnem cordis ſuccum exuſſerit;

Sic ſterile cerebrum ſomnum ſatire haud poteſt.

Hinc

14
 Hinc mihi vegrandes de oculorum subgrundijs
 Distillant gutta, vt frontem Pupa inhumigent.
 Hinc flore odoro Liberi nares inſperſi ac tempora.
 Sed vbera ſenſi Virginis . odorant magis .
 Fragrant vnguentis optimis . papauera
 Satiua amomum & Baccharim odoratam , Iridem
 Laſcente cum laſuca , & Mandragora fibras ,
 Et quotquot ſomni ſtimulos dat pratum & nemus ,
 Pharmacopola ſubita ſectura hic editus
 Compono tundo comprimo exprimo , ſimul
 Emaceratos in ſoporiferum ſuccum eliquo .
 Mox mammam Alumna inungo & labra Pupula .
 Sed nil quietis mamma propinat : nil bibit
 Puſilla ſomni . curat tot Machaonum
 Nec dominam ſanam fecit : & me perdidit .
 Vituli marini pelle ſubſtrata artubus
 Somnum aucupari Virginem inſomnem iubent
 Nugas marinas blaterant abeant trans mare ,
 Piſcatum vitulos & canes , vt lubet . Ego (loci
 Mopſum & Menalcham expecto remedium vltimū . interea
 Oro vos conninnate mecum ; Puera cantemus ſimul .
 » Noſte tota dormit Sol : tota die ſtella condormiunt
 » Solis eſt dormire noctu : ſyderum eſt interdū .
 » Diua dormi , ſi ſtella es :
 » Diua dormi , nam Phæbus es .
 Sed noſce cultis Pharmacum extremum ? afferro .
 Mihi caſa eſt , vtcumque ſub viſo Bethel ,
 Credo , tenetis inclyti ſamam loci .
 Ibi namque Iacob , patria dum fugit domo .

Noſte

Noctē insperata oppressus componit sibi
 Lapidosam ē silice culcitram : huic dedens caput
 Saxatilis hospes, artus languidos somno propitiat.
 Tum somnorinas pergere in Cælum scalas,
 Pressas gradatim pueris videt acclinibus & declinibus,
 Aetate & pulchritate praeuidentibus :
 Multis refertam Solibus noctem videt.
 Aliquot ex illis lapides ego nunc domi
 Asseruocastē : eos comportari mihi
 Iussi à Menalcha & Mopsō, quod sperem fore, vt
 Pupa suppositi vigilares eius oculos tandem oculant.
 Scintillam excutiam somni ē sanctis silicibus.
 Et placeo superis. nempe Menalchas appulit :
 Atque vna Mopsus attulit materiem lecti sternio.
 Bini aduenistis, bis saluete ; imò sumus
 Trigemini amoris vtero prognati vnico :
 Si bene cæpta hæc absoluitis mecum, vt decet.
 Opere nec pretium deerit. hic lapidarium
 Lectum Puellæ sternite, conquiniscite
 Ad cunas. extrahatur quam placidissimè
 Fascioliis taniata, deponatur quàm lentissimè.
 Rectè institistis. cernite. ò sortem auream.
 Nubila dispescit fronte ; restituit diem
 Mea Venus Orbi. sanè, si ritè omnia
 Meminens voluto mecum, nunc rem intelligo.
 Vt nugas ferre nequyt & stultos iocos ;
 Sic stragula infarta mollibus & plumas leues
 Deliciasq. odit omnes : gaudet asperis :
 Assuescit duris. bella meditatur, reor.

Sed

*Sed iam fortunam praeo fortunis meis
 Ingenium durisomnum, duriculcitra exanthlauimus,
 Diua intumescunt oculi: pregnant arbitror.
 Somnum mox parient: imò iam se ingurgitat
 Sopore abstemia hac. Si dormit, altius
 Insomnis illa. quid ego amplius hic vigilem Dormiturio.*

F I N I S.